

藝文

疏奏記
文賦詩
書目

青函者地方史志
資料摘鈔集

請定蒙民貿易並封閉金廠疏

撥營援西甯及洮西連獲勝仗疏

查辦事件片奏

報元無已得並派馬步隊援西甯疏

交查事件據實覆陳疏

接刺西甯獲勝疏

王家屏督府部公撥禦東勇碑記畧

黃嘉善少傅節制李公少保大中丞田公紀

績記畧

免西甯採買糧草右請立案文

黃河賦

河西賦

獲完馬詩

自潼中寄塞蘭五泉寺僧

西甯府著書目錄

錄

目

藝文志

奏疏下

(二十頁)

請定蒙民貿易並封閉金廠疏

竊查西甯涼州甘州肅州等處向有商民攜帶貨財貨物
前往蒙古游牧地方易買羊隻貨物名為羊客其中土著
甚少外來游民居多鮮有殷實之人均不久於其業歲有
更換人數姓名並無一定其貿易地方從前止准在於西
甯縣屬之日月山卡以內東斜爾寺一帶地方嗣於乾隆
二十六年經前任西甯辦事大臣多爾濟以遠在口外之
窮苦蒙古所收牲畜道遠不能趕來售賣議將商民由西

甯府詳請西甯辦事大臣衙門給以印票准其出口貿易
經部議覆奏准遵行該羊客執持印票即攜帶貨物徑自
出口在蒙古游牧買羊易貨之後分進口內售賣其由何
處出口進口既不指定地方而去來遲速亦無一定期限
其間藉票影射攜帶遊民流為漢奸並難保無夾帶違禁
軍火器物且近年以來野番佔踞蒙古地界該羊客即同
蒙古野番一體交易或導引野番搶劫或教誘蒙古為匪
竟成有票之漢奸為害邊陲實非淺鮮此時若將羊客禁
絕於內地原無妨礙第念蒙古以游牧為業羊隻無人易
買未免生計為艱若任該羊客等出入自由漫無稽查實

為邊隅之患其應如何立定章程明定地界之要當經臣
等咨行西甯甘州涼州肅州提鎮道府州各就地方情形
核議前來臣等細心籌酌應請嗣後毋論何州縣羊客與
河北蒙古買羊易貨止准於在西甯縣屬日月山卡以內東
科爾寺丹噶爾及大通縣屬之烏什濟察漢俄博等處互
相交易其河南蒙古番子羊隻貨物均在貴德廳屬之西
河灘售賣該羊客不許徑赴蒙古番游牧處所收買致滋
流弊至甘涼肅州羊客買得羊隻千百成羣難以盡由內
地行走准由野馬川沿邊一帶進入甘涼肅州各卡隘仍
令各羊客將帶賣之綢緞布疋及不干例禁各物並沿途

自食糧茶若干同行幾人是何姓名前往何處買羊易貨
由何路行走買行羊隻由何卡進入內地先行呈報西甯
府轉詳西甯辦事大臣衙門逐一開載票內買羊一千隻
以上者給大票一張一千隻以下者給小票一張仍發西
甯府交與羊戶客執持前往票載地行方貿易大票限四
個月小票限兩箇月或回西甯甘州或回涼州肅州均於
票內登明由西甯府知會各提鎮飭知守卡弁兵查驗羊
隻貨物人數與票載相符即將印票在卡收回截角隨時
呈送該管提鎮按月呈報西甯辦事大臣衙門發西甯府
查銷如所銷之票短少是查明是何羊客未繳按票追銷

至於該羊客到卡時守卡弁兵查明羊隻貨物人數或有
浮多或經由道路及所進卡隘與票內互異者即行稟究
倘無印票即照無票出口例辦理查有夾帶火藥鉛丸一
切違禁器物更當從嚴究辦其蒙古羊隻每年定以四月
至九月各就便前赴指定之東科爾寺丹噶爾烏什濟察
俄博西河灘等處售賣各處羊客亦屆期請票前往仍由
西甯辦事大臣衙門及西甯鎮道會商委負稽查彈壓交
易事竣催令各散毋許日久逗遛以免滋事如此立定章
程則蒙古即可按時前來指定處所賣羊貨物不至有妨
生計而內地商民毋許前赴蒙古游牧交易不能夾帶開

人流為漢奸至河南番族亦有出售羊隻並飭循貴兩廳
於羊客貿易時亦照買蒙古隻給票之例辦理按季呈報
西甯辦事大臣衙門以憑稽核此外尚有甘州之野牛溝
肅州之赤金湖等處素產金砂為漢奸盤踞之所以挖金
砂為名乘隙搶劫先經呈等檄飭該管文武將野牛溝赤
金湖地方嚴行封禁並將偷挖金砂之漢奸按名拏究現
在該二處並無奸民潛匿惟查此等匪徒散漫無依難保
不三五成羣潛赴大通縣屬之札馬圖官金廠偷挖金砂
且恐扎馬圖官廠人夫藉端射影復至野牛溝一帶偷挖
日久聚眾滋事又成巨案伏查扎馬圖官金廠地處邊外

自乾隆三十九年招商開採以來迄今四十餘載歷年久
遠金沙日形短絀每年止鈔正撒課金二十八兩九錢零
為數甚微殊於國課無甚裨益而藏區奸宄為害甚大權
衡輕重自應一體封禁相應請 旨將扎馬圈金廠嚴行
封閉俾沿邊一帶地方不使有一漢奸潛踪涸跡庶邊界
可期肅清永臻綏靖所有羊客與蒙古貿易應請明定界
址章程並封閉邊外金廠緣由謹恭摺具 奏

撥營援西甯及洮西連獲勝仗疏

竊於九月十五日安定內官營逢次由督臣寄電奉
旨據奎順報西甯危急大通營城失守大通縣亦朝不保

夕李培禁阻於卒戎釋等語西甯待援孔急牛師韓一軍
既而安定此外如何得彪等營如有可以酌撥者着董福
祥抽調數營迅速派往應援欽此十八日狄道四十里鋪
由督臣電寄十二日 諭旨董福祥電悉進紮狄道將次
渡洮此後須步步為營謀定後動回衆槍礮尚少我軍輜
重軍火均在後路尤防鈔襲牛師韓吳雲伍各營着陸續
催令前進毋得逗遛昨已有旨令陳湜而禁理閔政派魏
光燾挑選所部精銳迅速赴甘援剿矣欽此二十五日狄
道由督臣寄到電開奉 旨董福祥奏均悉現在河州悍
賊麴張該提督所嫌軍薄後路堪虞牛師韓一軍應否仍

部亮

留安定以資援應着斟酌情形辦理本日已派程文炳統
率所部赴甘會剿矣欽此仰見 宸謨廣運 聖憲精詳
際整軍經武之時中臨事好謀之戒跪讀之下莫名欽服
竅竊維西甯告急理應遵 旨早撥數營往援惟竅所部
車簿早入 聖明洞鑒之中而何得寇倭屢多年舊部打
仗得力業已派赴前敵未便抽調所以不及撥營西甯者
原欲待牛師韓到併力先解河圍乃以雨多塗泥久待不
至近聞已赴省垣當與督臣會商仍令恪遵前 旨進援
西甯以省道途往返之煩矣雲伍一軍即分駐平固一帶
以顧後路安定要隘商請督臣撥營填紮竅又擬調前駐

海城之總兵何美玉一營前來助剿庶一軍一得軍之用
兵力畧為厚也努到狄道後復勘湓河上下游皆岿窄而
溜急殊難鳧渡當飭趕造船橋尅期不能成事日前隔岸
賊騎游弋又復築卡守渡當於九月二十七日督各軍以
皮筏競渡用開花大礮轟破逆卡馬賊之來撲者以連環
礮擊之始紛紛散遁半日之間十營紮總八九兩日山頭
時有煙火賊賊縱蹤尚稀三十日努帶馬隊三旂趕康家
崖查看渡口隔河之賊十分披猖亦苦於無船可渡不得
即擊蓋賊於各要渡口皆設卡以守也次日回營始知賊

本日有

騎數百在洮西山口窺伺當以大礮擊退探知山內賊卡

林立而虛實究難懸揣因於十月初二日五更乘天大雪
率隊入山行至二十餘里之邊家灣遠望深林賊壘密布
正在麾軍前進而左右山岔伏賊盡起豕軍奮勇爭先斃
賊數十名生擒三名餘賊歎散時以日出雪消不便窮追
收隊而還豕軍僅損戰馬一騎初三日增築營壘本不出
兵已刻探報悍賊萬餘蔽山寨谷而來突至山口竟致

意致

我營藩幸各軍準備馬步一時齊出該逆皆胸橫白布口
銜牛刀拚命來揅撲我軍槍礮齊施鏖戰二時之久賊始
潰敗陣斬約數百名生擒十餘名奪獲長矛文槍無算豕
軍帶傷者十餘名此自九月二十七日渡河洎三十日十

月初二三連日獲勝之實在情形也實皆仰仗天威遠
洪福使逆氣得少挫而我軍並得全踈也執訊賊供頭目
不一黨惡尤殺河州八方循化八工碾伯馬營米拉溝等
處莠目不下數十名各擁衆數千洎千餘不等此外不著
名者更難指數幸其皆屬烏合漫無統屬既廣張告示
散其脅從復以計離間其首使其疑貳自為驅逐除庶乎
易於剪滅刻下擬由狄道城邊景古城康家崖三要進兵
俟船橋告成即帶全軍過河務求節節掃蕩擒渠搃穴早
解河圍以期仰慰宸廑除俟軍全渡滄再行剴辨情形
續行陳報外理合先將撥營往援西甯洎連日獲捷實情

由驛五百馳里 奏

查辦事件片奏

再竊於八月二十八日接護理陝西糧臣張汝梅電寄八月二十一日諭旨前令董福祥將甘肅所募各軍節制調遣該提督諫已接到前此揆剝河狄諸將中有退衄者者查明參奏地方大吏有無諱飾因循等弊並著據實奏聞此旨着張汝梅迅寄董福祥知之欽此跪讀之下益深惶悚伏思致果者敵愾之氣義勿欺者臣道之常援救危城當如止焚板蕩何敢稍涉遲延將士退衄大吏諱飾因循皆法紀所難容惟竊初到一切生疏探聽未能明碼容俟

躬臨行陣觀察誠其勇怯大吏有無諱飾因循再當考稽
案牘旁參輿論前此援剿情形不難一一備知俟查核明
確定當據實參劾不敢稍有欺飾謹附片具陳再牛邱韓
之豫凱軍早經達 旨赴援西甯祇以陰雨連綿山路泥
淖軍火重車不能暢行至今未到安定實為緩不濟急伏
查西寧雖急已有李培榮之全軍又辦事大臣暨鎮道新募
五六營旂駐紮城內足資防守查安定為軍火餉糈往來
頓、停車地而由安定以至洮河近二百里全然空虛非有
兵駐紮不足以顧後路而資策應而兵力只有此數分之
愈形車薄因念河圍久困又近省城不得不移緩就急擬請

將牛師韓之軍暫駐安定一帶以為前敵聲援俟河圍解
後後路穩固然後以全力往剿西甯之賊庶兵力雄厚略
戰事稍有把握孛愚昧之見是否有當謹附片具陳

報元惡已得並節派馬步隊援西甯疏

竊以城圍甫解良民雖已受擾而伏莽尚多不悉芟夷誅
鋤終不足以示懲創而安良善孛從十月二十日起每日

出隊搜緝除將河狄首逆閔伏英撒拉首逆馬占祿班海

城逸匪馬匡匡等先後擒斬統計生擒逆目九十餘名訊

明正法曾陸續電報軍務處查核在案伏查河州地方山
叢而田瘠漢少而回多回人不重儒術全習西域邪教罕

利厥教約有四端曰花寺曰慕扶提曰洪門曰白莊四者
並行惟花寺一教為最盛其教主曰馬永琳不知其官秩
若何而口稱軍功頭銜二品前督臣左宗棠所賞意亦上
年所招撫者也其長子武舉馬祿次子馬福三子文生馬
鎮四子馬祥同惡相濟以其教下人周世祥即周七十為
偽督帥尤凶悍異常以所傳之教男婦不下數十萬人其
所居曰八方附近城垣聞其家藏有偽印一顆有事號召
凶黨千百立集其棲神最華之所曰拱拜誦經坐會聚衆
皆在於此本年撤回作亂馬永齡琳父子聚集教下匪徒
自焚花寺牌坊誣陷漢民遂圍州城並四出焚掠至於全

境糜爛圍城半年攻城數十次皆其子執旂指麾乃萬目
睽睽所共見努抵河之浚恣心察訪益查循化嚴伯西甯
之賊皆其親戚族部聽伊使令因暫而使招諭故前來片
有以賊攻賊之說今西甯圍久不解是該逆怙惡不悛陽
為順服而陰蓄異謀可以概見因親其所居村寨周歷查
勘則見壁壘堅完壕塹深浚知其有負隅之意無悔禍之
心因於本月初十日令各軍嚴陣擒其父子五人並周世
祥到營索其偽印堅不招承俾河州知州查之屏同訊邊
蘭州道黃雲因事來河約同研鞠該逆供稱認張衆作亂
圍攻城池堡寨殺掠河狄人民不諱查該父子世受國

恩不思竭力報効表率鄉閭輒敢甘心叛亂蹂躪地方實
屬罪大惡極雖皆有職銜而 奏章不及或虞緩則生沒
當即正法百姓爭踐其屍實足以伸天討而快人心由此
仰仗 皇上威稜故首從各逆皆漸次就擒不致久稽顛
戮惟此外匪黨尚多誅剝必求淨盡現仍日日搜緝軍械
現據呈繳矛二千三百四十餘根又槍一百九十餘桿刀
一百二十餘把馬二百八十餘匹仍在勒繳不使家有藏
甲西甯之事初三日派行營營務處張成基帶馬隊三營
前往循化米拉濟一帶剝換以通大小碇之路據其來報
米拉濟之賊皆逆至積石關投誠現駐巴暖營辨理論令

回民目送糧於平戎驛前路是否能通尚無把握奴才遵
旨又派何得魁帶馬步隊四營往援又調後路本軍隊伍
前開以何建成一軍替換填紮俟此間辦理妥當本軍隊伍
皆來奴才擬即帶赴西甯此時不敢輕動誠恐顧彼此而
或疏虞也所有首從各逆以次伏法暨添派隊伍赴援西
甯各情形理合具摺詳陳

交查事件據實覆陳疏

竊查事奴才於十一月十五日曾將歷次欽奉 諭旨洵
急切未能查攷明晰僅將葉占魁一事據實覆陳此外各
將容俟查明再行覆奏各情形附片陳明在案竊維經邦

勦亂必資揆文奮武之才致身事君先祛怯懦欺蒙之將
軍致之壞至甘省而已極謹遵 諭旨並御史熙麟所劾

一一為我皇上陳之本年回民以爭教啟釁其為甚微當
事者安置不善遂致燎原難作之後倘各將士皆激蒞天
良殺敵致果不致糜爛至此乃督臣好博寬大之名而將
士惟以黃緣是務募勇為名蝕餉為利誠如該御史所云
者王正坤之帶涼州練軍也奉委防守積石關一聞賊至
望風奔竄糧餉軍械一切拋棄以致所帶之軍殺傷殆盡
王正坤僅以身免晉省沒不知何以又募一軍且為教營

統領移紮白塔寺唐汪川以圍日康達帶圍丁五百為賊

所仇八月十七日賊糾悍寇數千圍康達於西南川距王
正坤所紮之地僅二十里聞警不救輒復率眾先逃以致
火器盡委於賊康達因之大挫營亦裁撤賊之圍康達也
未必王正坤嫉之使然而坐視不救殊失同仇之誼則忌
功幸福致書遂回人言未始無因副將朱祥興經督臣委
帶練軍防駐平番推故不去一節查該副將向高勇往其
奉委不去也係新接帶他人之營人數不足期限又促該
副將意在實事求是不甘代人受過是以正言推辭尚非
藐視法違抗署河州鎮李良穆帶營駐防中鋪尚無日請
回日宴飲之事惟該總兵統帶十餘營駐白塔寺距河州

僅四十里九月間咨高督言臣今該鎮屆期進兵合圍而
迄逡巡不進至河州圍解始行赴任則其懼怯無能亦略
可見李培榮統馬步十營旂往援西甯至平戎驛不知紮
營是夕即為賊眾所乘不能進豈不能退圍困數月士卒
死傷甚多迺聞同崔嶽輕騎抵西甯城下則其未嘗殺賊
可知牛師韓駐紮平番屢次催促輒藉詞於兵車糧乏近
者平戎圍解始行移紮且治軍略無紀律所過騷擾殊甚
至練軍馬隊之楊寶林同在峽口失利亦屬實事此奴才
悉心查訪所得各員不能得力之實在情形也奴才愚昧
之見察度賊情河州係各處粟穴循化之馬營碾伯之米

拉濟又查各凶黨之外舍令其巢穴既覆外舍亦傾前敵
必有瓦解之勢但聞該處謀夫孔多辦理不能盡一奴才
不敢以未踈節制之師緹之使就範圍而河州向來漢少
回多漢弱回強今回雖經重懲而地方遼闊山谷叢雜伏
莽一時未能淨盡即使安插妥貼非得一智勇深沈聲望
素著之總兵不足以資鎮撫象 皇上眷顧西陲 宸謨
廣運必能明見萬里之外不俟奴才之煩瀆也所有達查
各員據實詳覆各緣由由驛五百里馳陳再正繕寫間於
十一月二十六日奉到十九日電寄 諭旨董福祥電悉
四路搜剿覆其巢穴辦理甚合西甯尚未解圍所派五營

能否得力仍著妥籌兼顧至逃亡難民如何安插已諭令楊昌濬派員前往並着該提督飭令作速辦理交查各件即着據實覆奏欽此跪讀之下莫名惶悚查奴才派援西甯者前後寶馬步八營非不款長驅直入但思該匪雖非一股而消息皆通不先離貳其黨肅清後路則前敵終難望其解散蓋自河州解圍循化碾伯之逆即有來營投誠者以其素性狙詐未之即許比節次派營前往而西馬營米拉溝之賊相率棄械投誠因令各營駐紮循碾兩廳邊中之地酌量剗撫勒令捆獻頭目呈繳軍械馬匹並令該逆目前往平戎驛大小峽口開通路道淡旬以來略有頭

緒飛飭所派之營移紮上川口節節前進方開拔間而探者回報李培榮已出重圍與崔嶽輕騎抵西甯城下於二十一日入城城圍已亦解此皆仰仗天威故羣醜罔不屈服而名城得保全也第聞前路之逆未經懲創含糊收撫終難懾服倘再受其要挾以後更難收拾奴才現在河州未敢輕離而西甯兵力較厚辦事大臣臣奎順督臣楊昌濬必已籌良法以期久安長治也狄道餘匪尚多日仍出隊搜緝計自十一月起計二十五日陸續又擒斬各鄉逆目洎匪徒計六十九名曾將花名具報軍務處查核軍械仍在催繳俟有成數再行具報省派善後委員尚未到

河已遵 旨咨催所有奉到 諭旨搜剿餘匪辦理循礙
各情形理合附片具陳

援剿西甯獲疏勝疏

竊奴才以西甯解圍含糊收換賊未懲創焚掠扣故於十
一月二十八日泊本月初十等日曾將大概情形具奏摺
並電致軍務處代奏在案奴才以巴燕戎之圍既解甘都
堂等處雖有負隅之逆而視西甯之賊則勢綏較微不能
不權度重輕先其所急因飛檄何得魁馬步四營星夜開
赴西甯並令與辦事大臣同城鎮道和衷商酌力挫兇鋒
切不可附和收換致貽滋蔓旋據稟報於十一月二十九

日抵西甯，紮西門外及城上。查東南北三門緊閉，依舊東門東關一帶賊卡林立，嚴然對壘。郡城四面距數十里之南川營喇課營哆吧實惠濟北川營等處，以及大通縣城圍攻，禁焚掠無虛日。百姓告急求救之呈詞紛紛而至。僉云：較城圍未解時，禍亂益急。十月初一日，探得賊衆數千手執良民旂幟蜂擁而來，意圖撲城。何得彪會同西甯鎮鄧增各出隊伍馳禦於距城二十里之西杏園地方交鋒，獲勝斃賊數十。當以日暮收軍，仍紮西甯城外。次日多派騎探察看賊勢，查得南川中中之賊與東北疊山之孔牙壑東濟淮馬家淮羊毛濟等處各賊，稟聲勢聯絡同惡。

相濟故西南四五里之都司營城久圍不解中中之賊殺

盡該安漢民佔踞五堡傍谷依山瀉坎紆歧東至丹麻孔

水泉接連沙瀉樹兜灣一帶之賊分外強悍圍攻民堡殺

掠更甚烈何得魁商同大臣奎順西甯鎮鄧增定於初四

日出隊往攻賊巢何得魁帶所部營官丁際清洪瑞步隊

三營並孔高明永興馬隊一營各出六成隊伍與奎順鄧

增之防練馬步各隊同時抵中中賊壘該賊每堡皆有

礮樓四座礮眼密排叉槍埋伏堡外拒守甚固各軍部隊

環而攻之礮樓內礮聲如雨我軍雖有傷亡無一退却怯

者正圍攻間忽援賊千餘從兩瀉出我軍分隊逆擊槍斃

百餘斬馘十七級該堡賊被髮裸身開柵撲出我軍馬步
夾攻又槍斃百餘斬馘十四顆賊敗入堡死守我軍日暮
收隊逼近駐紮初五日何得寇所部及奎順鄧增各軍皆
告奮勇再往圍攻梯衝互進槍礮齊施鄧增自發開花大
礮轟倒碉樓各軍乘勝擁入遂破堅剝棄其餘四堡之賊
依然負嵎初六日何得寇約會奎順鄧增軍乘勝往攻四
堡賊克之拒者皆與申中相埒正在酣戰礮子忽申中何得
寇右股常用利刃割出槍子血流至足不絕鼓音初七日
何得寇裹創督隊與各軍繞過山腰連將紅牙聲東濟淮
馬家淮並羊毛溝四處賊寨一律搗毀堡寨內外賊屍枕

藉約有二千斬首逆苗牙姑馬拉辛二名查點我軍陣亡
弁勇十名攜帶傷弁勇五十七名是役也鏖戰四日破巢
五寨都司營城之圍頓解南路亦通此初一至初七日各
軍力戰獲勝之實在情形也郡城勇敢之將當推鄧增為
最何得尅奮不顧身帶重傷後猶復連日血戰實為異常
出力各營弁勇執戈前驅爭先恐後者尤為指不勝屈此
實由仰仗 天威感激養育故將弁士卒皆知同仇敵愾
不受逆賊欺罔而於數日之間連破堅巢力過狂鯨也已
飛機何得尅等乘此軍聲大振之時約會郡城諸軍同心
合力一鼓作氣必使元兇授首餘孽淨盡全境一律解嚴

以期仰慰 宸廑各營出力將弁容奴才分別存記俟後
彙案保舉傷亡勇丁俟查明姓名咨部請卹所有派援西
甯諸營攻克賊寨大獲全勝各緣由理合恭摺由驛五百
里馳 奏

(附記)

王家屏督府部公換禦東虜碑記略 (卷九十一頁)

俺酋戴上天覆之恩操梅彌切則請徙幕而西游祁連青

海間求休屠王金人禮之迎其弟子以驟會套虜卜失免

諸部新讎言於瓦剌款藉東甯釋城因教使使風俺酋感兵

自從俺酋乃發其部三十萬眾以行時萬厯丁丑秋九月

也事聞天子乃咨廷臣求可制陝以西諸邊者咸謂無逾

部公於是公以大中丞受鉞往虜既至張掖以馬市諭公
遣人諭之曰此非市所也虜又請茶布公曰番之茶市猶
若馬市也虜大慙沮已又請西出嘉峪關以要哈密公曰
茲聞天子所封人臣安得擅啟虜領謝居歲餘俺酋東歸
意始決則己卯秋八月也酋行抵甯夏赤木口口直鎮西
門從此徑鎮之北鄂循橫城入套可近四五百名公笑慮
必闕之道乃預檄鎮決譏漢唐兩渠水注郊原虜至果欲
內走公使使遮問虜若鄉從何方來乃謬縱不達太師約
獨不畏朝廷禁乎且前水澤深者沒牛馬若能乘槎而濟
惟若所之耳虜竟引去西垂用甯公名光先上克人萬歷

八年仲冬修撰王家屏撰

黃嘉善少傳節制李公少保大中丞田公松山紀績記略
嘉隆間賓永青火等酋徒徙牧松山青海千合沙等處營
為三窟所為患最大者推銀万諸虜蟠踞松山咽喉為梗
一綫幾絕所賴前田公以萬厯壬辰渡河一意廓清李公
亦以乙未來相與密計機略兵威震疊松酋日夜皇皇率
驚且疑謀糾眾趨青海併力大逞會而公熟計密畫調集
將兵攻虜大敗統計斬虜首及死傷者無算捷僅奏馘七
百有奇俘獲溢巨萬又而設法招降番僧柴隆黃金榜什
虜首著什吉等萬餘人虜僅餘殘孽遂屏息賀蘭山後

而松疆空矣又躬率諸道將蓐食扒沙七晝夜經畫邊垣
西起涼之泗水東抵靖之黃河廣袤一千餘里移兵將戍
守只今莊紅無梗咽之虞蘭靖無剝膚之患朔方無疥癬
之疾安會閑隴無震鄰之恐萬歷四十二年四月兵部尚
書黃嘉善撰

王秉彥謫免西甯縣採買糧石稟請立案文（卷九十三頁）
竊卑縣民情急公輸將甲於通省惟常年正供而外採買
兵糧千餘石西甯縣署每年亦帶買數百石升斗浮收價
值核減吏役追呼不啻正供卑職履任以來五川紳耆環
請減免以蘇民困茲祿光緒二十九年前任霍道憲軫念

民艱札飭縣署永免採買榜之通衢多年宿弊一旦廓清
孰知霍道憲去任弊又旋作卑賤覆查無異遂將卑縣採
買陋規諭示城鄉一律豁免永著為例稍舒民力理合稟
請憲台批示立案祇遵

黃河賦

明黃 諫

噫嘻浩浩乎廓矣哉黃河之水邈兮吾不知所從來填子
若禹騎之赴敵倏兮若起壑之雷無荒于帝登高而望焉
夕哺隱隱望窮遠日淪於此是謂蒙吞殆非是水之所
出乎而咏者謂自天而來其必有所得乎無荒于方印而
觀俯而思蓋不得其所由適增吾心之煩燠傍有一老僮

倭而前呀然而歎曰子非博望而所望何與方其月氏南
匈奴節不失而志以舒此非丈夫得志之時乎夫何走大
宛歷康居繇大夏抵西都威言汗血之駒邛笮之杖與身
毒之蜀布接踵乎唐蒙之枸醬啟天子拓達達之心貪得之
病務廣地於萬里重九譯而躑向期德威遍於四海殊俗
囿於化域乃用皇皇使臣分道並出出隴出笮出邛出焚
甘心事西南之夷所歎者不過大夏南之國博望於是而得
封侯志滿意適豈知蜀夫罷困死於暑溼者哉而乃詭託
靈槎載名汗青嘗窮河源烏何曾覩夫崑崙浪傳牛女之
石而躑問才君乎雖註當時豈知貽誚後代孰若神禹之

功萬世永賴矣不此是思而徒用心於遠大斯非君子之
當戒也夫子其勿以為喋喋而聽予陳其概焉夫水地之
脈絡也而水莫過於江河之洪江則極乎中國自天地之
西而極乎天地之東者莫黃河之與同憶在宣德中予嘗
奉節抵西寧番戎出萬里越窮荒乘四驘以北迤曾崑邱
之是登蓋知河源之有三一出天竺葱嶺一出于閩南山
二派乃合流而東趨入崑崙所發正源之越蒲昌而益宏去
玉關之非遐其流潛行乎地中南出積石始經鄯善之邦
邑逾赤落而益遠水遂濁而不澄過枹罕而趨金城適洮
瀉湟水之所從雖有九曲百折之異而其勢咸若諸侯之

朝宗此予之所身歷而目經嘗究夫神禹穿山鑿石之功也當夫浩蕩蕩九州一壑天地不得其平成而民爲事耒耕鑿微禹之功生民奚免乎魚鼈惟積石在中國故疏道之首及凡值壅遏則爲之濬滌上流用功高易至若下流用功尤密由乎手胼足胝於九載故能成爲萬世之利於陷溺之極是以水得以順其性人得以安其居蓋吾鄉之一區亦禹功之所修鑿亂山之破礮使直下以奔流廣可數里狹容一舟惟順流以東趨則害由此除耕者可施其功漁者得其所資沮河伯之自喜補造化之或虧茲功之大非禹而誰雖通大宛大夏安息而績有逾於斯乎故吾

與子同全乎涉質以濡涵乎先天化日况子以文學得幸
禁密茲以事跡獲接乎辭色奚加子之陋識而斯河之所
從來以釋我特以發子之志舒子之才無荒子乃謝曰異
哉吾生於茲長於茲多學博文為衆所推胡屢中之賜見
坦於抱甕誰哇既而蟠然改曰義理不窮所知用廓乃知
逆言可察芻蕘可擇况子之言誠務所當急為徒遠大是
望而不思拯天下之溺雖學聖賢夫又何益老翁大笑子
亦躍乃與長楫而別吾將冀此一清猷煩於九重之闕

劉寬河西賦

寰宇茫茫乾坤蕩蕩往古來今乃成俯仰
望八極

極而無垠悠悠多歷九有而何窮昔者大禹乘四載而手
足胼胝始於冀而終於雍其河右之績是庸而以成導積
石涉弱水度流沙越三危崑崙乃定析支乃臣渠搜隸化
而西戎即叙至於周官別分星土而分野次於室壁西漢
武帝渡湟水而築令居以建酒泉設武威分張掖立敦煌
是為河西之四郡統縣三十有五用斬匈奴之右臂罄帑
藏之儲資啓邦基之鞏固金城復增於昭帝西平實始於
東漢終矣劉而總六郡為河西之保障遷涼治於武威始
始於武威曹魏名敦煌曰沙州乃自前涼迄五涼之相繼
共分郡為廿二曰肅曰甘豈非元魏節度河隴亦自有唐

至肅宗河湟乃陷終唐之祚而莫得併有宋方取青唐遂
為元昊所制元建熙管綽改中書居張掖以為治遠明令
設都閫委任賢良共統十五衛所以甘郡乃為綱沿平備
此損益維常若夫形勝祁連障或迄乎三千餘里合黎扼
虜壯乎百雉之域三危浚峙焉支中躡五澗谷之畜牧饒
於天下渥洼水之天馬今古咸稱鹽澤浸玉似水晶而濟
五味青海瑤山如銀盤而捧雙螺休屠居延之澤魚饒西
土樂都流沙之水農賴澆禾處處決渠為雨歲歲豐稔民
歌厥田上上厥賦中下是以漢得之而羌胡無援唐失之
而土番猖狂宋弗克而興有元之一統明朝控制而統御

萬方安危傳此亦豈輕哉覩才俊於往昔乃何地之無人
敦煌擅五龍之美張掖秀二龍之能休屠生日碑之忠厚
酒泉惟張奐之精勤立孤則才延平之篤信守正則于廷
心之忠誠索靖善楷書而機識銅駝烏氏蠶韜畧而熟著
平虜覆載之內鍾敏秀麗垂名後世故不鮮矣其土產有
禽如畜則烏鼠同穴相隱有肉如陵則野兕而重千斤丹
柰勝朱而青柰似黛白柰如玉而黃柰若金蓰蓉馥馥以
徧原野枸杞離離而滿郊坳大黃成紋似錦甘草其大如
椽沙棗芬芳而香聞數里胡麻秀實則膏涌如泉若夫奇
異張掖涌寶石列馬牛麟鳳之類武威生異石頭羊鹿狼

虎之形昌松出瑞石紀唐姓氏番未湧醴泉有酒如澠若
此之類考諸古而無謬稽諸今而有驗此河西之大畧乃
區區之管見

獲宛馬作

天馬徠從西極涉流沙九有服天馬徠開遠門諫予身逝

歷朝崇德寺里僧東直天馬徠
出泉水虎者西化若兔天馬徠

崑崙天馬徠龍之媒游閭闔觀玉台

楊應琚自滄中寄皋蘭五泉寺僧

望海潮

百二秦關三河五郡金城歷代巖疆一時都會往來冠蓋
游觀此地為帝五代散花場賸危樓傑閣金碧雕牆長嶺
猶龍黃河如帶抱城廂

斜陽極目蒼茫有飛泉五道千樹青楊南阡西陌桃紅梨
白春來士女如狂一往馬蹄忙曾記當元夕來宿山房城
市為家煙火獨對月无涼

著書目錄 (卷九十四八頁)

西甯府

十二陣嵩 (北魏隴西王西平樂都源賀著) 閔子集河
右集 (明進士西甯張問仁著) 茗華詩集 治醜要

畧 (國朝廣東鹽課提舉司西甯李愈索著) 郭氏

家譜 (西甯貢生郭守邦著) 雙榆草堂詩集二卷說

說草一卷 四書對聯一卷 (西甯拔貢李協中著) 周易

集解一部 周易卦爻錯綜變 各圖手卷一幅（世襲）
指揮使西甯祁維著潘 聚星堂詩集二卷 雜詩二卷
（西甯布衣陳啟新著） 消夏錄一卷（西甯歲貢生呂志
訓著）鴻雪草堂詩集四卷（西甯拔貢張思憲著）元音
琴譜二卷 韻字圖考四卷（西甯布衣鄧敏著）雙魚
草堂詩集二卷（陝西候補道西甯進士朱維禮著）

重修麒麟公園碑記

西甯在漢為西平亭後漢始置郡五代為青唐城
西甯之名其於宋崇德年間地臨邊塞民族雜
處而童山濯濯求以登詠嘯游日騁懷之地實
不多覩近自 香公主席秉政以來澄清吏治
推廣教育拒毒壑荒造林築路舉凡一利之當
興一弊之當除莫不博采輿論見諸實踐而朝
乾夕惕尤以堅苦自立倡率士民故能上下一
致精誠團結而政務之推進大有一日千里之
勢復恐人民苦於征役不能暢遂其安適之情

廸於△年建湟中公園於邑城北郊又於△年
建麒麟公園於西郊剝廟朽壤剪榛蕪決澮
導流置楊柳數萬株葱葱鬱鬱蔽日參天往時
落寂之區一變而為幽雅之境今年春 公又
為之相度地勢成麒麟閣五向榭三盈亭五處
清泉數十渚為池塘者六東築孔龍五道西因
高陌為假山佳木異卉新莖青條來自數十里
之外萃園境之精華成附郭之勝地其規模較
昔改觀焉考之府志西甯南川河北流入黃湟水
又謂之麒麟河按晉書南涼王禿髮烏孤麒麟

游綏戎故名蓋不僅據遊覽之覽美而亦深索
古績者之所取資也夫民元以後各省內亂頻
仍而青海各族得享以世外桃園之樂者
公先主席德威遠被之所賜也今當抵禦外侮
國家危極之秋而全青人民獨能安居樂業以
自忘憂生當亂世者皆 香公主席鞏固邊防
與民更始至所感召也邦人士於徘徊臨眺之
餘亦有所奮然典起而嘆締造之匪易乎亦當
此園於落成合郡人士僉謀豎碑於內冀垂永
遠爰記其緣如此斯役也。

步芳路 雙十路 轉車路

東虹橋 西虹橋 凝碧橋

雙十橋 西平橋

思源亭 爽亭 澄波亭

翼然亭 雲影天光亭

麒麟泉 雲根泉

月升池 映月池 拱月池

春雨樓 麒麟閣 容膝精舍

集合林 柳蔭深處 半畝方塘

參觀崑崙中學

水梵琴

學子設崑崙境自起八千子弟上雲霄最愛校園
一曲水扶杖老人過小橋

登北山觀水電

百丈飛泉千仞岡萬家燈火見光芒
高山流水看多少利用厚生知有方

罄廬赴宴

白玉堂中翡翠翠羹葡萄美酒滿金觥
罄廬自是伏波府百戰殊勳世代榮

塔兜寺訪班禪

三年兩度滄中游紅樹青山入
九秋雨過雲濕石
徑滑訪尋班佛一登樓

甘肅新通志 卷九十

藝文志 銘 二十六頁

李蘊華馬督提墓銘

公姓馬氏諱維衍字椒園甘肅固原州人世以回籍居浙
江前明中業有官指揮者始遷於此而以武功承其家祖
自善隨征西藏著戰績又戍入楚蜀軍薦官循化參將以
公貴均晉振威將軍公幼魁偉有膂力銳志武科弓馬刀
石悉擅勝場而箭法命中尤有奇能蓋所謂貫甲穿楊技
也辛甫弱冠選邑庠以嘉慶丙子領鄉薦丁丑戎闈登進
士 皇上臨軒校射遠其材藝賜榜眼及第花翎待衛乾

清門行走時大學士松公協辦大學士王公以駘健樸誠
丞相引重擢山西撫標中軍參將權太原鎮總兵會趙城
流犯亂作中丞鄧公以兵事倚任之公督師赴敵痛剽兇
攻旬日就平犯首隸順趙城之民歌頌載道為建生祠以
祀由是威名所播赫然太行蒲坂間矣旋以父憂去官服
既闋入覲授浙江樂清副將海疆衝要洋舶往來絡繹不
絕奉特旨鎮守防範適嘆吉利來侵公整隊巖南梭緝無
停晷嘆人懾其先聲未敢騷動遂轉攻定海鎮海各要徽
公之力樂清一隅其奚以安堵無恐乎迺簡放處州鎮總
兵調湖北鄖陽鎮總兵道光丙午春詔授湖北全省提督

次年丁未三月朔日卒於穀城春秋六十有一無有遠通
莫不銜哀蓋公之德澤及於人者深且至也方公性太原
時其封翁與其太夫人猶稱矍鑠公迎養於署克循子職
而杖必扶饌必嘗藥品必親奉玩好必先旨尤非尋常等
倫所能企及太夫人鍾愛少子維蕃公曲意友睦怡怡諒
諒不使有違詞此所謂養志而非以養口體者也若夫創
築營壘完葺祠寺慷慨好施則尤且未行焉耳嗚呼吾人
以藐然之躬中安天地惟忠孝兩大端有以自立於不朽
今公之治家也軍一鼓撲滅毋使蔓延而異域之師望風
而退君子曰忠矣公之治家也百行之原躬承色笑而聞

塋之漸畢世弗聞君子曰孝矣嗚呼公亦人傑也哉茲以
月日將卜葬於城之郊西其弟維蕃乞為紉幽之文益華因
紀其實而系以銘其詞曰維公降靈象緯秀孕空崗豪詰
繼起髯脩偉躬鷹揚上選卓然元戎恒岳雲紫越海波紅
帝嘉乃績裘馬珣弓門承通德入孝出忠蕭閑髦嶺華胄
宗隆騎箕去矣傳步英風寒陵片石莫罄厥功吾銘不逾
質之太空

劉永亨張壯勤墓碑銘

光緒二十六年三月北洋各軍翼長喀什噶爾提督張公

卒於南苑軍中遺疏上天容震悼禮遇推隆予諡壯勤事

蘇宣付史館立傳子若孫各有加恩飭詞臣撰擬祭文
碑文以充勛舊永亨承之清祕得濡毫而藻揚勞烈典至
盛也公病時公子儒珍方分統甘軍駐紮蘇州段家嶺
乞假來侍醫藥而王夫人已先公十日卒於里第訃報既
至公正垂危及後漢儒珍將擇於四月下旬遵旨奉柩西
還瀕行泣持兩狀來徵合葬之銘余固陋然交公竅久知
公竅深公之功在巖壑名在史策歌詠在人口抑豈壙石
之文所能叙述所能增重獨念公卒僅逾月喪隸甫數日
而民教肇事中外釁端紛起時局自此愈棘天雖隱以完
人終始與公永亨固知公憂國之熱枕抱域於九原為無

極偉人身繫安危舉世無智愚皆知公之幸世之不幸公
在泉下不自以幸為此則永享所獨諒益徵夫猛士之歌
其於今日仰瞻九重為尤可悲已不獲辭謹按狀公姓張
氏諱俊字杰三甘肅固原州人世為著姓三世皆以公貴
贈一品封公生而孝友凝重寡言笑不阿流俗同治初元
闕隴逆回叛亂公起自田間督令統武衛漢軍董少保團
保鄉人子弟往隸劉忠壯襄勤叔侄隨豫原大學士左文襄
殺賊圖報誓殲逆索其間蕩金積靖河湟戡定天山南北
兩路功冠諸軍公本屏息大樹遺意不自論功其見於奏
議牘者十僅三四國史立傳亦止大概茲不載及以重違

公意敘次歷官所至初由監生出山累游 記名提督倭欣
巴圖魯 賞穿黃馬褂授西寧鎮總兵調伊犁鎮總兵
擢新疆喀什噶爾提督調署甘肅提督奉 旨詣京
師派充北洋各軍翼長 賜紫禁城騎馬以速身後
諸 異教重 名恩禮也公治軍嚴整撫士卒如家人以
是得其死力為世宿將與董少保齊名元派王夫人母族
與公同鄉并賢淑重於里黨事姑以孝著于昧教載遭值
兵戈公遂賊遠役夫人艱難陰阻負子避賊山中僅而獲
免僅而獲免自寒素以迄貴重服勤扣一日當公鎮邊陲
時夫人至節著熾箔襄助籌邊為士將所感凶耗至軍部

曲多泣下者於以見其相夫及人之澤若合符節子一儒
珍即夫人負以避難而以旣兵殺賊世其家者也以任子
帶隊從董少保再定河湟積功至花翎二品頂戴 記名
道武能依巴圖魯公歿加恩仍以道員請旨簡放孫一超
賈員外郎服闋後分部行走曾孫一耀宗公生於道光二
十一年正月十三日寅時終於光緒二十六年三月十一
日申時享壽六十王夫人生於道光二十四年六月十一
日未時終於光緒二十六年三月初一日未時享壽年五
十有七儒珍奉公柩櫬還自京師將運王夫人之柩於靈
州新第合葬於故里毛曲井之原迺為銘曰 妖星將見

大星是沈桴鼓聲絕後先疎神隴山在望松柏森森嗚呼
天不厭亂世將太息永念夫斯人

王學伊董少保墓銘

光緒戊申將安少保董公於

歿其孫恭奉狀泣請銘壙

辭弗獲謹按狀而誌賓焉公諱福祥字星五固原人世居

王朝陽山曾祖萬隨妣氏石祖煥章妣氏石高父世猷妣

氏王均以公貴贈一品秩昆季三公其仲也少家貧讀書

未竟髫齡嬉戲率陳矛戟演戰隊既長慨然有大志喜談

兵贈公勛以力田公曰男兒志在四方安能鬱鬱耕鑿間

乎同治初徇逆馬化澂輩肆擾秦隴遷避者踵相接公曰

避之而生甯捍之而死遂集團練馳驅環愛固甯諸路助
官軍不及一時豪士如張壯勤諸君皆隸部伍乙巳劉忠
壯公督師剽甯夏檄公赴前敵院堇字三營薄肉迎戰迭
克金積堡等寨三十餘所生擒巨酋蕩平巢穴分軍屯之
公之居金積堡也甯肇於此壬申剽西甯下大小峽桌子
山諸寨癸酉河狃未澱臣叛馳往堵截報克煇花翎游保
提督光緒丙子剽襄勤公治新疆伊犁軍事倚公如左右
手疊復天山木里河瑪納斯諸名城疏上襄劄力敵叙頭
等銜功名免騎射賞黃馬褂阿彌杭阿巴圖魯龍騎都尉
兼雲集尉公之征天山也會大風晝黑如夜諸將莫敢進

公曰治敵攻不備鼓行而前殲其魁丁丑剽古牧地烏魯木
齊達坂城托克遜伊犁南小城安集延就擒復踞寨里河
公曰犬羊之性動事反側力制之遂以授首左文襄公奇
其才畀以湘楚格請各營西四城防務而守葉爾羌等處
臣遂白彥虎者猛且鷙公襲追之一晝夜行四五百里將
就擒竄俄境得脫公曰狡哉賊乎彼之幸吾之憾也丙戌
授阿克蘇總兵庚寅擢喀什噶爾提督甲午述職召對大
悅加尚書銜賞福壽字玦拾佩玉命練甘軍駐河西務為
保衛計乙未河州回復亂奉命援剿兼程行踰洮河直搗
王家嘴邊家灣康家崖匪巢解太子寺河州城圍丙申特

征西甯力奪米拉滿大通漫坪多巴要隘捷奏晉太子少
保調甘肅提督丁酉入覲迭頒克食旋領武衛後軍屯葭
州賜紫禁城騎馬肩輿如意帶膝貂鞋蟒緞銀兩庚子變
起倉卒聖駕西狩授隨扈大臣節制滿漢各軍比回塞修
好鄰國公引疾乞躐陞辭皇上出手詔嘉其忠勇公跪而
請之感泣不置公之所以荷主知與所以識時務者個乎
遠矣甲辰夏皋蘭黃水為灾出金巨萬以賑今年春正月
有寒疾觸舊傷億甚人日忽衣冠北向展拜捧詔莊誦揮
涕清○襟既而曰休短有數吾疾不瘳天也惟自憾無以
報朝廷耳顧謂恭曰吾俸所贏約四十萬誠天恩之高厚

也悉舉以助帑毋違吾言子孫自食其力可耳言訖端坐
家人叩之不復與語至初九日亥時溘然而逝太府上其
事得旨嘉獎孫恭仍以二品銜道負存記世澤非替嗚呼
扣公者實有超出尋常萬萬者夫人張氏趙氏嗣子天純
一品廕生孫恭公生於道光己亥十二月初五日酉時歿
於光緒戊申正月初九日亥時春秋七袞葬於固原南鄉
十里墩官山新阡

朱超趙克因贊

文以載道文不適用如賈胡市珠寶非不燦然雜陳而飢
不可食寒不可衣終殊無濟公忠心為國故屯田三奏議

事剴切詳明初不必求其文之工而後世自不能及此經
濟之文所以有用也清邑之讀書者亦當感前型而思奮

段會宗段熲合贊

營平以屯田三奏照耀史策會宗繼其後宣威西域安戢
烏孫其後曾孫熲復以護羌校尉累破西羌與營平後先
相望偉矣

